

ხელშეკრულება №9-5

ქ. თბილისი

21 იანვარი, 2013 წელი

ერთი მხრივ, საჯარო სამართლის იურიდიული პირი „საზოგადოებრივი მაუწყებელი“ (შემდგომში „შემსყიდველი“), წარმოდგენილი გენერალური დირექტორის გიორგი ბარათაშვილის სახით, და

მეორე მხრივ, შეზღუდული პასუხისმგებლობის საზოგადოება „ჯორჯიან ექსპრესი“, საერთაშორისო საკურიერო სამსახური „DHL“ - ის ოფიციალური წარმომადგენელი საქართველოში, (შემდგომში „მიმწოდებელი“ „DHL“), წარმოდგენილი დირექტორის მალხაზ პაპელაშვილის სახით,

„სახელმწიფო შესყიდვების შესახებ“ საქართველოს კანონით გათვალისწინებული გამარტივებული შესყიდვის შესაბამისად, წინამდებარე ხელშეკრულების საფუძველზე თანხმდებიან შემდეგზე:

მუხლი 1. ხელშეკრულების საგანი

- 1.1. წინამდებარე ხელშეკრულების საგანს წარმოადგენს ტვირთის გადაზიდვა (საფოსტო და საკურიერო მომსახურება, კლასიფიკატორის №64100000), კერძოდ, შემსყიდველის მიერ მიმწოდებლისთვის მიწოდებული ტვირთის საავიაციო გადაზიდვა ქ. თბილისიდან და პირიქით, თბილისში გამოგზავნა.
» საერთაშორისო მცირე და საშუალო ტვირთების ქვეშ იგულისხმება ნებისმიერი საგანი ან ნივთი, რომელიც შეფასებულია და გააჩნია საბაჟო ღირებულება.
- 1.2. აღნიშნული მომსახურება მიმწოდებელმა უნდა განახორციელოს 2013 წლის 31 დეკემბრამდე.
- 1.3. მიმწოდებლის, („DHL“-ის) მიერ გასაგზავნად მიიღება ნებისმიერი საგანი ან ნივთი, რომელიც არ არის აკრძალული სამოქალაქო და სატრანსპორტო ავიაციის უსაფრთხოების საერთაშორისო წესებით და საქართველოს საგადასახადო შემოსავლების სამინისტროს აქციზური მარკების სამსახურის მიერ გაცემული აქციზური მარკები, რომელიც არის შეფასებული და გააჩნია საბაჟო ღირებულება. საქართველოსა და მიმღები ქვეყნის საბაჟო კანონმდებლობით შემსყიდველმა უნდა წარმოუდგინოს მიმწოდებელს, „DHL“-ს ტვირთის საბაჟო გაფორმებისათვის აუცილებელი ყველა დოკუმენტი, რომელიც შეიძლება მოითხოვოს საქართველოსა და მიმღები ქვეყნის საბაჟო ორგანოებმა.

მუხლი 2. ხელშეკრულების შესრულების კონტროლი

- 2.1. შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელონ კონტროლი მიმწოდებლის მიერ ნაკისრი ვალდებულებების შესრულებაზე, მათ შორის მომსახურების ხარისხის პერიოდული ინსპექტირება.
- 2.2. წინამდებარე ხელშეკრულების შესრულების კონტროლს (ინსპექტირებას) შემსყიდველის მხრიდან ახორციელებს სსიპ „საზოგადოებრივი მაუწყებლის“ მომმარაგებელი დავით კვაჭანტირაძე.
- 2.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.
- 2.4. წინამდებარე ხელშეკრულების გაფორმებაზე უფლებამოსილი პირი და ასევე ხელშეკრულების შესრულებაზე პასუხისმგებელი პირი, წინამდებარე ხელშეკრულებაზე ხელმოწერით ადასტურებენ, რომ გაცნობილნი არიან „სახელმწიფო შესყიდვების შესახებ“ საქართველოს კანონს და მათი მონაწილეობა შესყიდვის განხორციელების პროცესში არ ეწინააღმდეგება აღნიშნული კანონის მე-8 მუხლის მოთხოვნებს

- 2.5. მიმწოდებლის მხრიდან წინამდებარე ხელშეკრულებას კომერციული წარმომადგენელი ლევან ყანჩაველი ტელ: 99532696060;

მუხლი 3. მომსახურების გაწევის წესი და ღირებულება

- 3.1. წინამდებარე ხელშეკრულების პირველი მუხლის 1.1 პუნქტით გათვალისწინებული მომსახურება მიმწოდებელმა უნდა გასწიოს 4900 (ოთხი ათას ცხრაასი) ლარის ფარგლებში, დღგ - ს ჩათვლით.

მუხლი 4. ფასები

- 4.1. ხელშეკრულებაში განსაზღვრული ფასის ცვლილება დასაშვებია მხოლოდ შემდეგ შემთხვევებში:
- 4.2. საქართველოს ეროვნული ვალუტის კურსის ცვალებადობის შემთხვევაში (აშშ დოლართან მიმართებაში) რამაც შესაძლოა ზეგავლენა მოახდინოს წინამდებარე ხელშეკრულების პირობების შესრულებაზე.
- 4.2.2. საქართველოს ეროვნული ბანკის მიერ წინამდებარე ხელშეკრულების გაფორმების დღეს (ლარისა და ამერიკული დოლარის გაცვლითი კურსი განისაზღვრება ბანკთაშორის საგალუტო ბირჟაზე ყოველდღიურად) ერთი ერთეული აშშ დოლარის ოფიციალური გაცვლითი კურსი განისაზღვრა 1.6598 ლარით.
- 4.3. საქართველოს ეროვნული ვალუტის კურსის ცვალებადობის შემთხვევაში (აშშ დოლართან მიმართებაში), 4.2.2. პუნქტით მოცემული მაჩვენებლის (კურსი) 5%-ზე მეტი ცვლილების შემთხვევაში (როგორც ზრდის, ასევე შემცირების).
- 4.4. საგადასახადო რეჟიმის შეცვლის შემთხვევაში, რაც უშუალო ზეგავლენას მოახდენს ამ ხელშეკრულების პირობების შესრულებაზე და გაზრდის ან შემამცირებს ფასებს 5%-ით ან მეტით.
- 4.5. საბაჟო რეჟიმის შეცვლის შემთხვევაში, რაც უშუალო ზეგავლენას მოახდენს ამ ხელშეკრულების პირობების შესრულებაზე და გაზრდის ან შემამცირებს ფასებს 5%-ით ან მეტით.
- 4.6. საქართველოს სამოქალაქო კოდექსის 398-ე მუხლით გათვალისწინებული გარემოებების არსებობისას;
- 4.7. წინამდებარე ხელშეკრულების მეოთხე მუხლის მიხედვით გათვალისწინებულ შემთხვევებში, მხარეები ვალდებული არიან წარმოადგინონ დოკუმენტურად დასაბუთებული მასალები ფასების ცვლილების საჭიროებისათვის.

მუხლი 5. ანგარიშსწორება მხარეთა შორის

- 5.1. პუნქტში მითითებული ფასის გადახდა ხორციელდება უნაღდო ანგარიშსწორების წესი.
- 5.2. ანგარიშსწორება ხორციელდება მიმწოდებლის მიერ ფაქტობრივად გაწეული მომსახურების შესახებ გაფორმებული მიღება-ჩაბარების აქტზე ორმხრივი ხელმოწერიდან 10 (ათი) დღის განმავლობაში.

მუხლი 6. მხარეთა ვალდებულებები

- 6.1. შემსყიდველი ვალდებულია:
- 6.1.1. წინამდებარე ხელშეკრულების შესაბამისად დროულად და სრულად მოახდინოს მიმწოდებელთან ანგარიშსწორება;
- 6.1.2. დააზღვიოს ტვირთი;
- 6.1.3. შემსყიდველის მიერ მიმწოდებლის, DHL - ის კურიერის გამოძახება განხორციელდეს გზავნილის ასაღებად დღის განმავლობაში, არაუგვიანეს 18.00 საათისა, ხოლო შეტყობინება გამოძახებაზე კეთდება მინიმუმ 1 საათით ადრე.
- 6.2. მიმწოდებელი ვალდებულია:
- 6.2.1. მიაწოდოს ტვირთი ადრესატს დაუზიანებლად და სრული მოცულობით;

- 6.2.2. დაიცვას მომსახურების ნორმები და ვადები;
- 6.2.3. მიიღოს გზავნილები მხოლოდ შემსყიდველის მიერ წერილობით მითითებული პირისაგან;
- 6.2.4. უზრუნველყოს ხელშეკრულებით ნაკისრი ვალდებულების დროულად, სრულად და ხარისხიანად შესრულება.

მუხლი 7. დამატებითი მომსახურება

- 7.1. მიმწოდებლის, "DHL"-ის მხრიდან დამატებით უფასო მომსახურებაში შედის.
 - ა) კურიერის გამოძახება შემსყიდველის იურიდიულ მისამართზე, ან მის მიერ მითითებულ ადგილას.
 - ბ) "DHL"-ის სტანდარტით გათვალისწინებული შესაფუთი საშუალებებით უზრუნველყოფა.
 - გ) ინფორმაციის მიწოდება გზავნილების შესახებ მისი გადაადგილების მთელ მარშრუტზე.
 - დ) შემსყიდველისათვის ინფორმაციის მიწოდება საბაჟოზე მისი ტვირთების შეყოვნების შესახებ.

მუხლი 8. ხელშეკრულების შეწყვეტის პირობები

- 8.1. წინამდებარე ხელშეკრულება შეწყვეტილად ითვლება ხელშეკრულების ვადის ამოწურვისთანავე.
- 8.2. ხელშეკრულების ვადამდე შეწყვეტა შესაძლებელია მხარეთა ურთიერთშეთანხმების საფუძველზე.
- 8.3. სახელშეკრულებო ვალდებულებების არაჯეროვანი შესრულება, მხარეები სისტემატურად არღვევენ ნაკისრ ვალდებულებებს და ეს ზიანს აყენებს მათ ინტერესებს, ეს შეიძლება გახდეს ხელშეკრულების ვადამდე ცალმხრივად შეწყვეტის საფუძველი.
- 8.4. ხელშეკრულების ვადამდე შეწყვეტის შესახებ შეტყობინება უნდა განხორციელდეს 5 (ხუთი) დღით ადრე და უნდა ატარებდეს წერილობით ხასიათს.

მუხლი 9. ხელშეკრულების ძალაში შესვლა და მოქმედების ვადები

წინამდებარე ხელშეკრულება ძალაში შედის ხელშეკრულების ხელმოწერის დღიდან და მოქმედებს 2013 წლის 31 დეკემბრის ჩათვლით.

მუხლი 10. ზოგადი პირობები

- 10.1. ყველა კომერციული, ტექნიკური და სხვა სახის ინფორმაცია ან მონაცემები მიღებული ერთი მხარის მიერ მეორე მხარისაგან მკაცრად კონფიდენციალურია. ორივე მხარე ვალდებულია მოეკიდოს მას, როგორც საკუთარს და არავითარ შემთხვევაში არ დაუშვას ამ ვალდებულების დარღვევა.
- 10.2. საჭირო ავიაზედებულზე დაფიქსირებულ მისამართზე განხორციელდეს ტვირთის ჩაბარება.
- 10.3. შემსყიდველმა უნდა მიაწოდოს „DHL“-ს სრული მისამართი (საფოსტო ინდექსი, ტელეფონი, ფაქსი, მისამართი)

მუხლი 11. ფორს-მაჟორი

- 11.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.
- 11.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან

- დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი.
- 11.3. ფორს-მაჟორული გარემოებების დადგომის შემთხვევაში, ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შესვლებისამებრ, მიზანშეწონილობისა და შესაძლებლობისა და მიხედვით, აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

მუხლი 12. დავათა განხილვის წესი

მხარეები შეეცდებიან ურთიერთმოლაპარაკების საფუძველზე გადაჭრან წინამდებარე ხელშეკრულებასთან დაკავშირებით წამოჭრილი დავები. შეთანხმების მიუღწევლობის შემთხვევაში, დავა განიხილება სასამართლოს მიერ საქართველოს კანონმდებლობის შესაბამისად.

მუხლი 13. ზოგადი დებულებები

- 13.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.
- 13.2. ხელშეკრულებაში ცვლილებები და დამატებები შეიძლება შეტანილ იქნას ორივე მხარის წერილობითი შეთანხმების საფუძველზე.
- 13.3. მხარეები თანხმდებიან, რომ ის ურთიერთობანი, რომელიც არ იქნა რეგლამენტირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.
- 13.4. ხელშეკრულება შედგენილია ორ თანაბარი იურიდიული ძალის მქონე ეგზემპლარად, რომელთაგან თითო გადაეცემათ მხარეებს.

მუხლი 14. მხარეთა რეკვიზიტები და ხელმოწერები

სსიპ

„საზოგადოებრივი მაუწყებელი“

მის.: ქ. თბილისი, კოსტავას ქ. №68
საიდენტიფიკაციო კოდი: 204 858 163

საბანკო რეკვიზიტები:

სს „კორ-სტანდარტ ბანკი“

ანგარიშის №GE77KS0000000004169364

კოდი: KSBGGE22

შპს

„ჯორჯიან ექსპრესი“

მის.: ქ.თბილისი, წერეთლის გამზ. 105
საიდენტიფიკაციო კოდი: 201 954 965

საბანკო რეკვიზიტები:

სს „საქართველოს ბანკი“

ანგარიშის №GE70 BG0000000391050200

კოდი: BAGAGE22

გენერალური დირექტორი

გიორგი ბარათაშვილი

დირექტორი

მალხაზ პაპულაშვილი